

唐千金類方

上海千頃堂書局發行
嚴如經署



備急千金要方卷第八 傷寒上

後學三水黃恩榮幹南編述

三男中醫藥學專門畢業 弟君校對
學生廣州中醫藥大學畢業 陳景山 覆校

傷寒例第一

辟溫第二 治瘴霧氣附

傷寒膏第三

發汗散第四

發汗湯第五

發汗丸第六

宜吐第七

宜下第八

發汗吐下後第九

傷寒例第一

論曰。易稱天地變化。各正性命。然則變化之迹。無方性命之功。難測。故有炎涼寒燠。風雨晦冥。水旱妖災。蟲蝗怪異。四時八節。種種施化。不同七十二候。日月運行。各別。終其晷度。方得成年。是謂歲功畢矣。天地尚且如然。在人安可無事故。人生天地之



間命有遭際時有否泰吉凶悔吝苦樂安危喜怒哀愛憎存亡憂畏關心之慮日有千餘謀身之道時生萬計乃度一日是故天無一歲不寒暑人無一日不憂喜故有天行溫疫病者即天地變化之一氣也斯蓋造化必然之理不得無之故聖人雖有補天立極之德而不能廢之而能以道御之其次有賢人善於攝生能知搏節與時推移亦得保全天地有斯瘴癘還以天地所生之物以防備之命曰知方則病無所侵矣然此病也俗人謂之橫病多不解治之皆云日滿自瘥以致枉者天下大半凡始覺不佳即須救療迄至於病愈湯食競進折其毒勢自然而瘥必不可令病氣自在恣意攻人拱手待斃斯為誤矣今博採羣經以為上下兩卷廣設備擬好養生者可得詳焉

小品論傷寒即病與不即病之傳變及尋常時行之各異

小品曰古今相傳稱傷寒為難治之疾時行溫疫是毒病之氣而論治者不判傷寒與時行溫疫為異氣耳傷寒與時行溫疫同為異氣非尋常感冒具有深識云傷寒是雅士之辭天行溫疫是田舍間號耳不說病之異同也考之衆經其實殊矣所宜不同方說宜辨是以略述其要經言春氣溫和夏氣暑熱秋氣清涼冬氣冰冽此四時正氣之序也冬時嚴寒萬類深藏君子周密則不傷於寒或觸冒之者乃為傷寒耳其傷於四時之氣皆能為病而以傷寒為毒者以其最為殺厲之氣也中而即病名曰傷寒不即病者其寒

毒藏于肌膚中至春變為溫病至夏變為暑病暑病熱極重于溫也是以辛苦之人春夏多溫病熱病者皆由冬時觸胃寒冷之所致非時行時寒感不之氣也凡時行者是春時應暖而反大寒夏時應熱而反大冷秋時應涼而反大熱冬時應寒而反大溫此非其時而有其氣是以一歲之中病無長少多相似者此則時行之氣也傷寒之病逐日深淺以施方治括盡仲景六經傳變要旨今世人得傷寒或始不早治或治不主病或日數久淹困乃告師師苟依方次第而療則不中病皆宜臨時消息因逐日傳變制方乃有效耳

華佗論傷寒病汗吐下所宜

華佗曰夫傷寒始得一日在皮當摩膏火灸之即愈若不解者二日在膚可依法針服解肌散詳下發汗散第四發汗汗出即愈若不解至三日在肌復一發汗即愈若不解者

止勿復發汗也至四日在胸宜服藜蘆丸微吐之則愈若病困藜蘆丸不能吐者服

小豆瓜蒂散吐之則愈也視病尚未醒醒者復一法鍼之五日在腹六日入胃乃可

下也若熱毒在外未入于胃而先下之者其熱乘虛入胃即爛胃也然熱入胃要須

下去之不可留于胃中也亦有未經誤下而胃若實熱為病三死一生皆不愈胃虛熱入

爛胃也其熱微者內外熱微而赤斑出此候五死一生劇者黑斑出此候十死一生但

論人有強弱病有難易得效相倍也得病雖外無甚大熱但狂言煩燥不安精彩言語不與人

相主當者勿以火迫之但以猪苓散

即五苓散

一方寸匕服之當通與新汲水一升若二

升強飲之令以指刺喉中吐之病隨手愈若不能吐者勿強與水水停則結心下也

當更以餘藥吐之

吐去水

皆令相主不爾更致危矣若此病輩不時以猪苓散

強與吐

解之者其死殆速耳

但當審其或挾痰或挾飲及有宿食

亦可先去毒物及法針之尤佳惟飲膈實

言飲隔而裏熱實

者皆難治此三死一生也病者過日不以時下則熱不得泄亦胃爛斑

出

春夏無大吐下秋冬無大發汗發汗法冬及始春大寒時宜服神丹丸

見下發汗丸第六

亦

可摩膏火灸若春末及夏月始秋此熱月不宜火灸及重覆宜服六物青散若崔文

行度瘴散赤散

見下發汗散第四

雪煎

見下發汗湯第五

亦善若無丸散及煎者但單煮柴胡數兩

傷寒時行亦可服以發汗至再三發汗不解當與湯實者轉下之

如大柴胡中有大黃之類

其脉

朝夕駛者為澼實也朝平夕駛者非澼也轉下湯為可早與但當少與勿令大下耳

少與當數其間也

華佗論虛煩病汗非宜

諸虛煩熱者與傷寒相似然不惡寒身不疼痛故知非傷寒也不可發汗頭不痛脉

不緊數故知非裏實不可下也如此內外皆不可攻而強攻之必遂損竭多死難全

也此虛煩但當與竹葉湯

見下發汗吐後第九

若嘔者與橘皮湯一劑不愈可重與也此法

數用。甚有效驗。傷寒後虛煩亦宜服此湯。

王叔和論傷寒病汗吐下所宜

王叔和曰。夫傷寒病者。起自風寒。入于腠理。與精氣分爭。營衛否隔。周行不通。病一日至二日。氣在孔竅皮膚之間。故病者頭痛惡寒。腰背強重。此邪氣在表。發汗則愈。三日以上。氣浮在上。部填塞胸心。故頭痛。胸中滿。當吐之。則愈。五日以上。氣沈結在臟。故腹脹身重。骨節煩疼。當下之。則愈。明當消息病之狀候。不可亂投湯藥。虛其胃氣也。經言脉微不可吐。虛細不可下。又夏月不可下也。此醫之大禁也。脉有沈浮。轉能變化。或人得病數日。方以告醫。雖云初覺視病。已積日在身。原屬內傷其疹瘵結成。非復發汗解肌所除。當診其脉。隨時形勢。救解求免也。不可苟以次第為固。失其機要。乃致禍矣。此傷寒次第。病三日以內發汗者。謂當風解衣。夜卧失覆。寒溫所中。並時有疾。疫賊風之氣。而相染易。為惡邪所中也。至于人自飲食生冷過多。腹臟不消。轉動稍難。頭痛身溫。其脉實大者。便可吐下之。不可發汗也。

王叔和論虛人病汗下非宜

夫陽盛陰虛。外臺作表汗之則死。下之則愈。陽虛陰盛。外臺作裏下之則死。汗之則愈。夫如是。則神丹神丹法有丸安可誤發。甘遂下法訣豈何可以妄攻。虛盛之治。外臺作表裏之相背千里。吉凶之機。應若影響。然則桂枝下咽。陽盛則斃。外臺作表裏之承氣入胃。陰

盛以亡。

外臺作裏平以亡。

若此陰陽虛實之交錯其候至微發汗吐下之相反其禍至速而

醫術淺狹不知不識病者殞歿自謂其分至令冤魂塞於冥路夭死盈於曠野仁愛

鑒諸能不傷楚。

陳廩邱述張苗傷寒病蒸汗法

陳廩邱云或問得病連服湯藥發汗汗不出如之何答曰醫經云連發汗汗不出者死病也吾思之可蒸之如蒸中風法熱濕之氣于外迎之不得不汗出也後以問張苗苗云曾有人作事疲極汗出卧單簟中冷得病但苦寒倦諸醫與丸散湯四日之內凡八過發汗汗不出苗令燒地布桃葉蒸之即得大汗于被中就粉傳身使極燥乃起便愈後數以此發汗汗皆出也人性自有難汗者非惟病使其然也蒸之則無不汗出也諸病發熱惡寒脉浮洪者便宜發汗溫粉粉之勿令遇風當發汗而其人適失血及大下利則不可大汗也數方與桂枝湯使體潤熱熱汗出連日當自解也論曰凡人有少苦似不如平常即須早道若隱忍不治冀望自瘥須臾之間以成固疾小兒女子益以滋甚若時氣不和當自戒勒若小有不和即須療治尋其邪由及在腠理以時早治鮮不愈者患人忍之數日乃說邪氣入臟則難可制止雖和緩亦無能為也癰疽疔腫喉痺客忤尤為其急此自養生之要也凡作湯藥不可避晨夜時日吉凶覺病須臾即宜便治不等早晚則易愈矣服藥當如方法若縱意違師不

須治之也。

謂取

而當不消也。

凡傷寒多從風寒得之。始表中風寒入裏則不消矣。未有溫覆。汗而當不消也。凡得時氣病五六日而渴欲飲水飲不能多不當與也。所以爾者腹中熱尚少不能消之。水停心下便更為人作病矣。若至七八日大渴欲飲水者猶當依證而與之與之勿令極意也。言能飲一斗者與五升若飲而腹滿小便澀若喘若噦不可與之。忽然大汗出者欲自愈也。人得病能飲水欲愈也。

凡溫病可針刺五十九穴。又身之穴六百五十有五其三十六穴灸之有害。七十九穴刺之為災。

論曰。夫尋方學之要以救速為貴。是以養生之家常須預合成熟藥以備倉卒之急。今具之如左。

幹南按。經言熱病者皆傷寒之類。千金論謂傷寒與時行溫疫同為毒病異氣。與內經合。此編首列辟溫如屠蘇酒雄黃丸辟邪殺鬼陰陽毒諸湯清瘟解毒見證施治原不斤斤于發汗一法而于傷寒初入未化熱應發汗者第載仲景

桂枝麻黃大青龍三方。

此即後人誤據風傷衛桂枝湯寒傷營麻黃湯風寒營衛同病大青龍湯三方鼎峙之臆說。

餘解肌

升麻湯之麻黃石膏解肌湯之葛根黃芩葛根龍膽湯之麻黃桂枝龍膽大青石膏黃芩七物黃連湯之葛根黃連黃芩三七湯之麻黃寒水石枯樓根乾

地黄大黃芒消。或汗或下。皆傷寒。既入已化熱之治法。亦與仲景之柴胡葛根
竹葉石膏。瀉心承氣相出入。經言人之傷于寒也。則為病熱。熱雖盛不死。其
少太兩感于寒者必死。以其不化熱也。初感即病。逐日淺深。與不即病。毒藏于肌
骨之中。至春變溫。至夏變暑。皆漸漸化熱也。及其化熱變證錯雜。并其循經現
證之外候。亦亡之。故徐洄溪傷寒類方。深發明其所以然之故。不論從何經來。
從何經去。見證施治。與仲景之意。無不吻合。吾于千金傷寒諸方亦云然。

辟温第二 方三十六首 濕蟲病證一條

辟温氣

歲旦屠蘇酒 辟疫氣令人不染温病及傷寒

大黃 十五枚

白朮 十八枚 桔梗

蜀椒 各十枚

桂心 十八枚

烏頭 六枚

菝葜 十二枚

一方有防風 一兩

右七味咬咀絳袋盛以十二月晦日日中懸沈井中令至泥正月朔日早平

曉出藥置酒中煎數沸于東向戶中飲之屠蘇之飲先從小起多少自在一

人飲一家無疫一家飲一里無疫飲藥酒得三朝還淳置井中能仍歲飲可

世無病當家内外有井皆悉著藥辟温氣也 菝葜即金剛根大明治時疫瘧瘴肘後方治風毒脚弱

幹南按辟温諸方總取推陳致新升清降濁破陰助陽之義首推屠蘇酒餘方

雄黃硃砂珍珠金石異寶虎頭羚羊龍骨龜甲蝟皮鮫鯉甲雞頭鬼箭羽鬼白

通靈妙藥至如烏頭羊躑躅以毒制毒男兒尿猴猪尿以穢逐穢同氣相求哀

以其屬先誘之而後攻之辟除穢惡異氣不得不然亦小豆一味本經下水腫

水腫不熱外濕熱排癰腫膿血金匱治陰毒血熱獨得秘要平易神奇不可忽也

太一流金散 辟温氣

雄黃 三兩

雌黃 二兩

礬石 一兩

鬼箭羽 一兩

殺羊角 二兩

右五味治下篩。三角絳袋盛一兩。帶心前。並掛門戶上。若逢大疫之年。以月旦青布。裏一刀圭。中庭燒之。溫病人亦燒熏之。

殺鬼燒藥 辟溫氣

雄黃 丹砂

雌黃 各一

羚羊角 亦得 羖羊角

蕪荑

虎骨 鬼白

鬼箭羽

野丈人 即白頭翁

石長生

猴猪尿

馬懸蹄 各三兩

青羊脂

菖蒲

白朮 各八

蜜蠟 八斤

右十六味末之。以蜜蠟和為丸。如彈許大。朝暮及夜中。戶前微火燒之。

石長生 生木

經治大熱。辟鬼氣。西醫謂即鳳尾草。

虎頭殺鬼丸 辟溫。

虎頭 五兩

朱砂

雄黃

雌黃 各一兩半

鬼白

皂莢

蕪荑 各一兩

右七味末之。以蜜蠟和為丸。如彈子大。絳袋盛。繫臂。男左女右。及懸屋四角。

晦望夜半。中庭燒一丸。

辟溫殺鬼丸 熏百鬼惡氣。

雄黃

雌黃 各二兩

殺羊角

虎骨 各七兩

龍骨



医药大学图书馆藏

龜甲

鯪鯢甲

蝟皮各三兩

雉雞十五枚

空青一兩

芎藭

真朱各五兩

東門上雞頭一枚

右十三味末之。烱蠟二十兩。併手丸如梧子。正旦門戶前燒一九。帶一九。男左女右。辟百惡。獨宿。弔喪。問病。各吞一九。小豆大。天陰大霧日。燒一九于戶牖前佳。

雄黃丸

漢建寧二年。太歲在酉。疫氣流行。死者極衆。即有書生丁季。迴從蜀

青城山來。東過南陽。從西市門入。見患疫癘者頗多。遂于囊中出藥。人各惠之一丸。靈藥霑唇。疾無不瘥。市中疫鬼數百千餘。見書生施藥。悉皆驚怖而走。乃有鬼王見書生。謂有道法。兼自施藥。感衆鬼等奔走。若是。遂詣書生。欲求受其道。法書生曰。吾無道法。乃囊中之藥。呈于鬼王。鬼王覩藥。驚惶叩頭乞命而走。此方藥帶之入山。能辟虎狼蟲蛇。入水能除水怪蛟蜃。

雄黃

雌黃

曾青

鬼白

真珠

丹砂

虎頭骨

桔梗

白朮

女青

芎藭

白芷

鬼督郵

蕪荑

鬼箭羽

藜蘆

菖蒲

皂莢各一兩

右十八味末之。蜜丸如彈子。大絹袋盛。男左女右帶之。卒中惡及時疫。吞如梧子。一丸。燒一彈丸。戶內。

雄黃散 辟溫氣

雄黃 五兩

朱砂 一作赤木

菖蒲

鬼臼 各二兩

右四味治下節。以塗五心額上鼻人中及耳門。

赤散 辟溫疫氣傷寒熱病。

藜蘆

躑躅花 各一兩

附子

桂心

真朱 各六銖

細辛

乾薑 各十銖

牡丹皮

皂莢 各一兩六銖

右九味末之。納真朱。合治之。分一方寸匕。置絳囊中。帶之。男左女右。著臂。自隨。覺有病之時。便以粟米大。納著鼻中。又酒服一錢匕。覆取汗。日三服。當取一過汗耳。

又方

正月旦取東行桑根大如指。長七寸。以丹塗之。懸門戶上。又令人帶之。

又方 斷溫病。令不相染著。

汲水瓶。縛長七寸。盜著病人卧席下。良。

又方

以繩度所住戶中壁。屈繩即斷之。

又方 斷溫疫轉相染著。乃至滅門。延及外人。無收視者。



約大學圖書館

赤小豆

鬼箭羽

鬼臼

丹砂

雄黃各二兩

右五味末之以蜜和服如小豆一九可與病人同牀傳衣

又方

白蜜和上色朱砂粉一兩常以太歲日平旦大小勿食向東方立吞服三七

丸如麻子大勿令齒近之並吞赤小豆七枚投赤小豆井泉中亦七枚終身勿忘

此法

又方

正旦吞麻子赤小豆各二七枚又以二七枚投井中。

又方

新布袋盛赤小豆納井中三日出舉家服二七枚

又方

常以七月七日合家吞赤小豆向日吞二七枚

又方

新布袋盛大豆一升納井中一宿出服七枚

又方

常以七月七日男吞大豆七枚女吞小豆二七枚

又方

木頭等分酒漬服之妙

又方

神仙教人立春後有庚子日溫蕪菁菹汁合家大小並服不限多少

又方 治疫病

藥子二枚末服之

又方 治溫令不相染

桃樹蠹屎末之水服方寸匕

柏枝散 天氣不和疾疫流行預備一物

取南向社中柏東南枝暴令乾擣末酒服方寸匕神良

又方

松葉末之酒服方寸匕日三服

辟溫毒

肝病溫毒方二首

方 治肝腑臟溫病陰陽毒頸背雙筋牽先寒後熱腰強急縮目中生花

方見第十

卷肝臟門治腰背強急脚縮不伸
肝中欲折目中生花名青筋牽病



桂心 一兩

白朮

芒消

大青

梔子 各三兩

柴胡 五兩

石膏

生薑 各八兩

生地 六兩

香豉 各一升

右十味㕮咀。以水九升。煮取三升。分三服。

肝臟受邪。病溫。毒變陰陽。毒從內發外。入陰出陽。故名。陰陽毒與後發汗。頸背雙

筋牽。先寒後熱。腰強急縮。目中生花。木鬱肝熱。所致。桂心柴胡生薑散風寒。石膏大

青。別錄。治時氣大熱。梔子香豉解溫熱。芒消潤腸結。重用生地清血毒。白朮燥土濕。毒從內

發外。治即入陰出陽。而肝病陰陽溫毒。頸背雙筋牽。先寒後熱。腰強急縮。目中生花

以除。

方 治肝臟溫病。陰陽毒。先寒後熱。頸筋牽。面目赤黃。身中直強。方見肝臟門。治

先寒後熱。頸外雙筋牽。不得屈伸。頸直強。合身回側。眼赤黃。名青筋牽病。

玄參 一兩

細辛 二兩

梔子

黃芩

升麻

芒消 各三兩

石膏 三兩

車前草 暴切

竹葉 切五升

右九味㕮咀。以水一斗半。煮竹葉車前取七升。去滓下諸藥煎至三升。下芒

消。分三服。

肝臟受邪。病溫。毒變陰陽。先寒後熱。頸筋牽。面目赤黃。身中直強。木鬱肝熱。所

致。去桂心柴胡生薑。易升麻。升清陽。重用竹葉車前草。合石膏梔子黃芩。解溫熱。仍

唐千金類方

卷八 辟溫第二

上海十項書局發行

